



Broj: 07-04-19-19009-2/16  
Sarajevo, 02.06.2016. godine

Na osnovu tačke III Odluke o usvajanju Programa utroška sredstava sa kriterijima raspodjele sredstava "Poticaj razvoju male privrede" za 2016. godinu ("Službene novine Kantona Sarajevo", broj: 20/16) i člana 4. stav (1) Pravilnika o postupcima u provođenju Programa razvoja male privrede ("Službene novine Kantona Sarajevo", broj:17/16), Ministarstvo privrede Kantona Sarajevo objavljuje

## JAVNI POZIV

### za odabir korisnika grant sredstava "Poticaj razvoju male privrede" za 2016. godinu

#### I PREDMET POZIVA

a) Predmet Javnog poziva je prikupljanje prijave za odabir korisnika poticajnih grant sredstava za finansiranje/sufinansiranje programa/projekata u skladu sa: Zakonom o poticaju razvoja male privrede (u daljem tekstu: Zakon), Odlukom o usvajanju Programa utroška sredstava sa kriterijima raspodjele sredstava "Poticaj razvoju male privrede" za 2016. godinu (u daljem tekstu: Odluka) i Pravilnikom o postupcima u provođenju Programa razvoja male privrede (u daljem tekstu: Pravilnik).

b) Sredstva Budžeta Kantona Sarajevo namijenjena korisnicima grant sredstava "Poticaj razvoju male privrede" za 2016. godinu ne mogu se koristiti kao poticajna sredstva za sljedeće djelatnosti: trgovinska (veleprodaja i maloprodaja), ugostiteljska, turizam, proizvodnja oružja i vojne opreme, proizvodnja duhanskih proizvoda i alkoholnih pića, primarnu poljoprivredu, prevoz stvari, roba i putnika, otvaranje kasina i drugih igara na sreću.

c) Pojam subjekti male privrede podrazumjeva fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, na način kako je propisano Zakonom o poticaju razvoja male privrede ("Službene novine Kantona Sarajevo", broj: 29/15).

d) Programi/projekti koji će biti finansirani/sufinansirani grant sredstvima iz Budžeta Kantona Sarajevo - Ministarstvo privrede, sa pozicije: "Podsticaj razvoja male privrede", ekonomski kod 614300 utvrđena Budžetom Kantona Sarajevo ("Službene novine Kantona Sarajevo", broj: 1/16), odnose se na sljedeće:

- 1. Program: Subvencioniranje kamata po preuzetim kreditima**
- 2. Program: Unapređenje institucijske preduzetničke infrastrukture**
- 3. Program: Obrazovanje u preduzetništvu**
- 4. Program: Unaprjeđenje rada udruženja obrtnika**
- 5. Program: Podrška u uvođenju i certificiranju kvaliteta i standarda EU**

#### II PROGRAMI

##### **1. Program: Subvencioniranje kamata po preuzetim kreditima**

###### **Pravo učešća**

U skladu sa članom 9. Pravilnika pravo na dodjelu poticajnih grant sredstava za subvencioniranje kamata po preuzetim kreditima ostvaruju subjekti male privrede definisani u članu 5. Zakona koji



imaju sjedište na prostoru Kantona Sarajevo, koji imaju najmanje jednog zaposlenika na neodređeno vrijeme i koji su uredno servisirali kredit u 2014. i 2015. godini. Pravo na subvencioniranje dijela kamata, ne mogu ostvariti pravna lica koja su već koristila poticajna sredstva za subvencioniranje dijela kamata za isti kredit od strane Kantona Sarajevo ili bilo kojeg drugog nivoa vlasti u FBiH, kao ni banke niti druge finansijske organizacije, niti osiguravajuća društva. Kamata će se subvencionirati za kredite koji su odobreni kod poslovnih banaka koje imaju sjedište, filijalu ili ekspozituru na području BiH. Subvencioniranje kamata neće se odobriti za kredite ili dio kredita koji su namjenjeni reprogramiranju drugih kredita.

#### **Namjena utroška poticajnih grant sredstava**

Omogućiti korisnicima kredita poticajna grant finansijska sredstva za subvencioniranje dijela plaćenih troškova kamate po kreditima odobrenim u komercijalnim bankama za nabavku osnovnih sredstava, opreme i/ili finansiranje investicija za rast i razvoj subjekata male privrede. Subvencionirati će se dio plaćenih troškova kamate na odobrena kreditna sredstva kod komercijalne banke koja imaju efektivnu kamatnu stopu u rasponu od 5 do 10%. Subvencionirani dio kamata bit će primijenjen na dugoročne kredite (kredit koji se odobrava sa rokom povrata dužim od dvije godine). Visina subvencioniranog dijela plaćenih troškova kamate za odobrene kredite kod komercijalnih banaka u 2014. i 2015. godini iznosi:

1. 25% plaćenih troškova kamate na kredite sa efektivnom kamatnom stopom 5 do 7%.
2. 40% plaćenih troškova kamate na kredite sa efektivnom kamatnom stopom 7 do 10%.

#### **Iznos poticajnih grant sredstava**

Minimalan iznos kredita za koji će se subvencionirati dio plaćenih troškova kamate je 10.000,00 KM, a maksimalan iznos kredita je 300.000,00 KM. Ukoliko korisnik realizuje dva ili više kredita imat će pravo na subvencioniranje dijela troškova kamata na zbir kredita koji ne prelazi iznos od 300.000,00 KM. U slučaju da subjekti male privrede podnesu zahtjeve koji su u ukupnom iznosu veći od planiranog iznosa sredstava za ovu namjenu prednost prilikom izbora korisnika imaju subjekti koji se bave proizvodnom djelatnošću, a posebno izvozno orijentisani subjekti male privrede. Godišnjim planom za 2016. godinu za ovaj program predviđeno je 300.000,00 KM.

#### **Kriteriji za izbor korisnika poticajnih grant sredstava**

Kriteriji za izbor korisnika poticajnih grant sredstava utvrđeni su Pravilnikom, Odlukom i javnim pozivom. Podnosioci zahtjeva obavezni su dostaviti program/projekt na osnovu kojeg su ostvarili kredit, ugovor o kreditu zaključen sa komercijalnom bankom u 2014. i 2015. godini sa anuitetnim planom (plan otplate kredita), potvrdu banke o redovnoj otplati kredita, sa obaveznim pregledom obračunatih i naplaćenih kamata za period za koji se vrši subvencija dijela kamate po osnovu kredita odobrenih u komercijalnim bankama za rast i razvoj subjekata male privrede.

#### **Dokumentacija:**

Svi podnosioci prijava obavezni su u potpunosti dostaviti traženu dokumentaciju u skladu sa tačkom III ovog Javnog poziva. Prijava koja ne sadrži kumulativno i opće i posebne priloge/dokumentaciju koja se zahtijeva Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja.

## **2. Program: Unapređenje institucijske preduzetničke infrastrukture**

### **Pravo učešća**

U skladu sa članom 9. Pravilnika pravo na dodjelu poticajnih grant sredstava za unapređenje institucijske preduzetničke infrastrukture ostvaruju Jedinice lokalne samouprave (JLS) i Regionalna razvojna agencija (RRA koji su nosioci implementacije projekta. Jedinice lokalne samouprave i Regionalna razvojna agencija su odgovorne za realizaciju svih predviđenih programskih/projektnih aktivnosti, uključujući i preuzimanje finansijskih obaveza. Program/projekt se realizuje na području Kantona Sarajevo i mora biti sufinansiran od strane podnosioca zahtjeva



koji aplicira za poticajna grant sredstva sa minimalno 20 % od ukupne vrijednosti projekta. Ova sredstva moraju biti osigurana iz vlastitih ili drugih izvora finansiranja u vrijeme podnošenja zahtjeva. Programi/projekti koji u strukturi sufinansiranja nisu predvidjeli vlastito učešće neće biti razmatrani.

#### **Namjena utroška poticajnih grant sredstava**

Sufinansiranje programa/projekata Jedinica lokalne samouprave i Regionalne razvojne agencije koji se odnose na adaptaciju ili rekonstrukciju radi uređenja prostora business start up centra, poslovnog inkubatora, subvencioniranje troškova ili dijela troškova zakupnine poslovnog prostora za business start up centar/poslovni inkubator na području Kantona Sarajevo, pružanje stručne pomoći i edukacije novoosnovanim subjektima male privrede (start up preduzeća). Program ima za cilj zapošljavanje, povećanje konkurentnosti, održivost, rast i razvoj subjekata male privrede.

#### **Iznos poticajnih grant sredstava**

Vrijednost pojedinačnih programa/projekata koji će biti finansirani/sufinansirani ne može biti niža od 50.000,00 KM, a niti viša od 80.000,00 KM. Finansijsko učešće korisnika u programu/projektu iznosi minimalno 20% vrijednosti programa/projekta, a isto mora biti osigurano prilikom podnošenja zahtjeva. Godišnjim planom za 2016. godinu za ovu namjenu predviđen je iznos od 200.000,00 KM.

#### **Kriteriji za izbor korisnika poticajnih grant sredstava**

Program/projekt mora da nudi adekvatne i kvalitetne uslove za razvoj preduzetništva, te u konačnici omogućiti kreiranje novih mogućnosti za zapošljavanje i otvaranje novih radnih mjesta. Kriteriji za izbor korisnika poticajnih grant sredstava utvrđeni su Pravilnikom, Odlukom i javnim pozivom obuhvataju: Broj korisnika (broj subjekata male privrede koji će koristiti usluge biznis start up centra/poslovnog inkubatora); Podsticaj mladima za biznis (broj mladih starosti između 18-35 godina koji će koristiti usluge biznis start up centra/poslovnog inkubatora); Finansiranje programa/ projekta iz drugih izvora u odnosu na ukupnu investiciju, izuzimajući vlastita sredstva i sredstva tražena od Ministarstva; Uključenost obrazovnih ili drugih institucija vezanih za realizaciju programa/projekta; Dosadašnji poticaji od strane Ministarstva privrede Kantona Sarajevo ili drugog nivoa vlasti u FBiH; Nefinansijski doprinos aplikanta se neće uzeti u obzir kao kompenzacija minimalnog iznosa sufinansiranja kojeg treba osigurati podnosilac prijave.

#### **Dokumentacija:**

Svi podnosioci prijave obavezni su u potpunosti dostaviti traženu dokumentaciju u skladu sa tačkom III ovog Javnog poziva. Prijava koja ne sadrži kumulativno i opće i posebne priloge koji se zahtijevaju Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja.

### **3. Program: Obrazovanje u preduzetništvu**

#### **Pravo učešća**

Pravo na dodjelu grant poticajnih sredstava za ove namjene ostvaruju privredni subjekti sa sjedištem na teritoriji Kantona Sarajevo, registrovani za pružanje usluga u oblasti informaciono komunikacionih tehnologija, koji u ovoj oblasti mogu realizovati program/projekt intenzivne obuke i osposobljavanja kojim se omogućava poboljšanje kvaliteta i upotreba savremene informacijske i komunikacijske tehnologije, te koji uredno izmiruju svoje zakonom predviđene obaveze.

#### **Namjena utroška poticajnih grant sredstava**

Program/projekt mora biti namijenjen mladim i preduzetnicima početnicima, te onima koji namjeravaju da se nakon provedene edukacije bave djelatnostima baziranim na znanju i savremenim informaciono komunikacionim tehnologijama (IKT) sa krajnjim ciljem otvaranja start up subjekata male privrede.



### **Iznos poticajnih grant sredstava**

Godišnjim planom i programom za 2016. godinu za subjekte male privrede koji provode ovaj program predviđen je iznos od 35.000,00 KM.

### **Kriteriji za izbor korisnika poticajnih grant sredstava**

Kriteriji za izbor korisnika poticajnih grant sredstava utvrđeni su Pravilnikom, Odlukom i javnim pozivom. Aplikant mora biti registrovan za pružanje usluga u oblasti informaciono komunikacionih tehnologija, i mora raspolagati: poslovnim prostorom koji je opremljen odgovarajućom IT opremom, edukativni centar sa računarima i opremom vrhunskih performansi, te konferencijske sale prilagođene za rad u radionicama, posjedovati savremenu 3D laboratorijsku opremu (3D printeri i renderi), softvere, skripte, računare, table, projektor i ostala pomoćna sredstva.

#### **Dokumentacija:**

Svi podnosioci prijave obavezni su u potpunosti dostaviti traženu dokumentaciju u skladu sa tačkom III ovog Javnog poziva. Prijava koja ne sadrži kumulativno i opće i posebne priloge koji se zahtijevaju Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja.

### **4. Program: Unaprjeđenje rada udruženja obrtnika**

#### **Pravo učešća**

Pravo na dodjelu poticajnih grant sredstava za program/projekt u skladu sa Javnim pozivom ostvaruju Obrtnička Komora Kantona Sarajevo i udruženja obrtnika koja su uredno registrovana na području Kantona Sarajevo, a koji uredno izmiruju svoje zakonom predviđene obaveze.

#### **Namjena utroška poticajnih grant sredstava**

Subvencija rada i djelovanja Obrtničke komore i udruženja obrtnika namjenjena je za razvoj i očuvanje obrtničke tradicije, edukaciju i afirmaciju obrta i obrtničkih udruženja.

#### **Iznos poticajnih grant sredstava**

Godišnjim planom i programom za 2016. godinu za Obrtničku Komoru Kantona Sarajevo i udruženja obrtnika koji provode dostavljeni program/projekt predviđen je iznos od 35.000,00 KM.

### **Kriteriji za izbor korisnika poticajnih grant sredstava**

Izbor korisnika poticajnih grant sredstava podrazumijeva obavezno dostavljanje programa/projekta za razvoj i afirmaciju zanata, edukaciju, očuvanje obrtničke tradicije i starih obrtničkih djelatnosti, a ocjena projekata se vrši na osnovu kriterija za izbor korisnika poticajnih grant sredstava utvrđenih Pravilnikom, Odlukom i javnim pozivom.

#### **Dokumentacija:**

Svi podnosioci prijave obavezni su u potpunosti dostaviti traženu dokumentaciju u skladu sa tačkom III ovog Javnog poziva. Prijava koja ne sadrži kumulativno i opće i posebne priloge koji se zahtijevaju Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja.

### **5. Program: Podrška u uvođenju i certificiranju kvaliteta i standarda EU**

#### **Pravo učešća**

Pravo na poticajna grant sredstava imaju subjekti male privrede sa sjedištem na prostoru Kantona Sarajevo za uvođenje ili obnavljanje ISO/ HACCP/HALAL standarda i za osiguranje CE znaka, odnosno subjekti male privrede koji su to učinili ili započeli te procese u 2014. ili 2015. godini, a koji uredno izmiruju svoje zakonom predviđene obaveze.



### **Namjena utroška poticajnih grant sredstava**

Omogućiti subjektima male privrede sufinansiranje troškova za uvođenje međunarodnih standarda ISO, HACCP, HALAL, osiguranje CE znaka i obnavljanje standarda koje ima za cilj izgradnju inovativne privrede, povećanje konkurentnosti zasnovane na znanju, uvođenje standarda, osiguranje CE znaka za proizvode sa Kantona Sarajevo i poticanje transfera znanja i tehnologija.

### **Iznos poticajnih grant sredstava**

Sredstva će se dodjeljivati u iznosu od 60% priznatih troškova utrošenih za ove namjene, a u maksimalnom iznosu po jednom korisniku do 12.000 KM. Troškovi koji se priznaju odnose se isključivo na direktne troškove nastale realizacijom predviđene namjene utroška sredstava. Godišnjim planom i programom za 2016. godinu za subjekte male privrede koji provode dostavljeni program/projekt u skladu sa predmetnim programom predviđen je ukupan iznos od 270.000,00 KM.

### **Kriteriji za izbor korisnika poticajnih grant sredstava**

Kriteriji za izbor korisnika poticajnih grant sredstava po ovom programu utvrđeni su Pravilnikom, Odlukom i javnim pozivom. Osnovni kriteriji za ostvarivanje prava na dodjelu poticajnih grant sredstava za ove namjene je djelatnost koju subjekt male privrede obavlja: proizvodna, proizvodno – uslužna i uslužna. Uslov za izbor korisnika poticajnih grant sredstava za ove namjene je da su subjekti male privrede započeli procese certificiranja kvaliteta i uvođenje drugih standarda EU u 2014. ili 2015. godini ili da posjeduju certifikat izdat od ovlaštene certifikacijske organizacije u 2014. ili 2015. godini, ili da su obnovili standard u 2014. ili 2015. godine, ili da su osigurali CE znak u 2014. ili 2015. godini, a koji posjeduju Tehnički fajl - dosije sa svim pripadajućim procedurama, uputstvima i zapisima potrebnim za osiguranje kvalitete proizvoda i da nisu do sada ostvarili subvenciju/sufinansiranje za predmetni standard od Kantona Sarajevo ili drugog nivoa vlasti u FBiH.

### **Dokumentacija:**

Svi podnosioci prijave obavezni su u potpunosti dostaviti traženu dokumentaciju u skladu sa tačkom III ovog Javnog poziva. Prijava koja ne sadrži kumulativno i opće i posebne priloge koji se zahtijevaju Javnim pozivom, zbog neispunjavanja formalno-pravnih uslova se odbacuje bez obaveze daljeg razmatranja.

## **III NAČIN PODNOŠENJA PRIJAVE**

U skladu sa članom 7. Pravilnika aplikanti prilikom podnošenja prijave na Javni poziv obavezno dostavljaju:

### **1. Prijavni obrazac za uključivanje u program**

Obrasci za svaki navedeni Program se mogu preuzeti direktno u Ministarstvu privrede ili na web stranici: <http://mp.ks.gov.ba/>. Aplikant obavezno popunjava sve rubrike prijavnog obrasca i odgovara za vjerodostojnost svih navedenih podataka.

**2. PROJEKAT** u skladu sa članom 7. stav (2) tačka b) Pravilnika sa sljedećim sadržajem: naziv i opis projekta sa specifikacijom vrijednosti radova, opreme, mjesto na kojem se izvodi projekat, jasan cilj projekta, vrste aktivnosti koje će se provesti za postizanje postavljenog cilja, očekivani rezultati, korisnici projekta, projekti edukacije obavezno moraju sadržavati specifikaciju predavača, prezentera, polaznika edukacije i institucija – ustanova, finansijsku konstrukciju (uz naznaku vlastitog ulaganja) i rok realizacije projekta. Program/projekat mora biti na jednom od službenih jezika Bosne i Hercegovine. Rukom pisane i nepotpune aplikacije se neće uzeti u razmatranje.



### 3. DOKUMENTACIJA

Opća i posebna dokumentacija u skladu sa zahtjevom iz svakog pojedinačnog Programa poticajnih grant sredstava. Tražena dokumentacija dostavlja se u originalu ili ovjerenim fotokopijama ne starijim od tri mjeseca, računajući od dana objave Javnog poziva u "Službenim novinama Kantona Sarajevo". Prednje se ne odnosi jedino na rješenje o registraciji pravnog subjekta, uvjerenje o poreznoj registraciji i uvjerenje o registraciji PDV obveznika. Sve kopije ostalih dokumenata koji se prilažu moraju biti u originalu ili ovjerene od strane odgovarajuće finansijske institucije, nadležnog tijela uprave ili notara, ovjerom, ne starijom od 3 (tri) mjeseca, računajući od dana objave Javnog poziva u "Službenim novinama Kantona Sarajevo". Izjave i potvrde kao dokazi se dostavljaju u originalu i moraju biti ovjerene i potpisane od ovlaštene osobe podnosioca prijave.

#### **Opšta dokumentacija:**

Podrazumjeva obaveznu dokumentaciju koju podnose svi aplikanti neovisno od Programa za koji podnose prijavu, i podrazumjeva sljedeće dokumente:

- a) Rješenje o registraciji, odnosno osnivanju (izdato od nadležnog organa);
- b) Uvjerenje o poreskoj registraciji - identifikacijski broj (ID broj);
- c) Uvjerenje o registraciji obveznika poreza na dodanu vrijednost (ako je korisnik u PDV sistemu )
- d) Obavještenje o razvrstavanju pravnog lica prema klasifikaciji djelatnosti;
- e) izvještaj o urednom finansijskom poslovanju (bilans stanja, bilans uspjeha za 2015. godinu);
- f) Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Poreske uprave Federacije BiH ne starije od tri mjeseca od dana podnošenja prijave;
- g) Uvjerenje o izmirenim indirektnim porezima, kojim subjekt male privrede dokazuje da uredno izmiruje indirektnne poreze (u skladu sa Zakonom o porezu na dodanu vrijednost) izdato od Uprave za indirektno oporezivanje ne starije od 3 mjeseca od dana podnošenja prijave;
- h) Potvrda PIO/MIO-a o broju zaposlenika (ne starija od 15 dana) od dana podnošenja prijave;
- i) Izjava subjekta male privrede o namjenskom utrošku poticajnih sredstava i da za program za koji je aplicirao nisu odobrena sredstva iz Budžeta Kantona ili drugog izvora na nivou FBiH; i
- j) Ugovor o otvorenom transakcijskom računu kod banke.

#### **Posebna dokumentacija:**

Podrazumjeva obaveznu dokumentaciju koju podnose svi aplikanti po svakom pojedinačnom Programu za koji podnose prijavu, i podrazumjeva sljedeće dokumente:

##### **1. Program: Subvencioniranje kamata po preuzetim kreditima**

- a) Ugovor o kreditu zaključen sa komercijalnom bankom u 2014. ili 2015. godini, sa anuitetnim planom (plan otplate kredita);
- b) Program/projekt na osnovu kojeg je mu je komercijalna banka odobrila kreditna sredstva;
- c) Dokaz o utrošku kreditnih sredstava (kao dokaz se prihvata: račun, faktura, ugovor);
- d) Potvrda banke o redovnoj otplati kredita, sa obaveznim pregledom obračunatih i naplaćenih kamata za period za koji se vrši subvencija dijela kamate po osnovu kredita odobrenih u komercijalnim bankama za rast i razvoj subjekata male privrede;
- e) Potvrda PIO/MIO o broju zaposlenika na dan podnošenja zahtjeva za kredit po osnovu kojeg subjekt male privrede podnosi prijavu za subvencioniranje dijela plaćenih troškova kamate za odobreni kredit/kredite kod komercijalnih banaka u 2014. i 2015. godini; i
- f) Na zahtjev Ministarstva privrede druga relevantna dokumentacija.

##### **2. Program: Unapređenje institucijske preduzetničke infrastrukture**

- a) Program/projekat u skladu sa članom 7. stav (2) tačka b) Pravilnika sa sljedećim sadržajem: naziv i opis projekta sa specifikacijom vrijednosti radova, opreme, mjesto na kojem se izvodi projekat,



web: <http://mp.ks.gov.ba>  
 e-mail: [mp@mp.ks.gov.ba](mailto:mp@mp.ks.gov.ba)  
 Tel: + 387 (0) 33 562-121, + 387 (0) 33 562-122  
 Fax: + 387 (0) 33 562-226  
 Sarajevo, Reisa Džemaludina Čauševića 1



jasan cilj projekta, vrste aktivnosti koje će se provesti za postizanje postavljenog cilja, očekivani rezultati, korisnici projekta, broj mladih starosti između 18-35 godina koji će koristiti usluge biznis start up centra/poslovnog inkubatora i rok realizacije projekta;

b) Potpisan sporazum/memorandum o partnerstvu/ugovor i sl., koji jasno navodi partnere i njihovu ulogu u implementaciji projekta je obavezan ukoliko postoji takvo partnerstvo za realizaciju projekta, uključenost obrazovnih ili drugih institucija vezanih za realizaciju programa/projekta;;

c) Dokaz o posjedovanju projektne dokumentacije za tu namjenu ili da su u fazi izrade konačne projektne dokumentacije ili drugi relevantni dio strategije razvoja iz kojeg je vidljivo da je projekat jedan od prioriteta definisan strategijom razvoja jedinice lokalne samouprave (JLS); i

d) Dokaz o osiguranom finansijskom učešću podnosioca prijave iz vlastitih ili drugih izvora finansiranja u programu/projektu koje iznosi minimalno 20% vrijednosti programa/projekta i mora biti osigurano u vrijeme podnošenja zahtjeva.

### **3. Program: Obrazovanje u preduzetništvu**

a) Ovjerena izjava i/ili drugi dokazi o posjedovanju prostora i opreme navedene u kriterijima za izbor korisnika poticajnih grant sredstava u tački II.3. Javnog poziva;

b) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama;

c) Dokument o organizovanosti, broju i kvalifikacionoj strukturi uposlenih i angažovanih lica u provedbi projekta; i

d) Dokaz o partnerstvu. Partneri mogu biti javne ustanove i privatni sektor, s tim da se takvo partnerstvo dodatno boduje prilikom ocjenjivanja projektnih prijedloga.

### **4. Program: Unaprjeđenje rada udruženja obrtnika**

a) Dokument o organizovanosti i broju članova udruženja;

b) Pisana saglasnost odgovarajućeg organa/institucije ukoliko se projekat implementira u saradnji sa obrazovnim ili drugim institucijama; i

c) Dokaz o partnerstvu. Partneri mogu biti javne ustanove, nevladine organizacije i privatni sektor, s tim da se partnerstvo sa jedinicama lokalne samouprave, drugim općinama ili gradovima, nevladinim ili privatnim sektorom dodatno boduje prilikom ocjenjivanja projektnih prijedloga.

### **5. Program: Podrška u uvođenju i certificiranju kvaliteta i standarda EU**

a) Certifikat izdat od ovlaštene certifikacijske organizacije u 2014. ili 2015. godini;

b) Ugovor sa certifikacijskom ustanovom za predmetni certifikat uvođenja međunarodnih standarda ISO, HACCP, HALAL;

c) Naslovna strana i sadržaj Tehničkog fajla ((korisnik mora posjedovati kompletan Tehnički fajl - dosije sa svim pripadajućim procedurama, uputstvima i zapisima za osiguranje kvalitete proizvoda), ali ga zbog obimnosti ne mora dostavljati u kompletu, nego samo navedeni dio);

d) Ugovor sa certifikacijskom ustanovom ili Ugovor/sporazum o korištenju dokumentacije o ispitivanju u sklopu postupka osiguranja CE znaka u 2014. ili 2015. godini;

e) Ugovor sa konsultantskom organizacijom;

f) Fakture i izvodi sa transakcijskih računa kojima se dokazuje da je izvršeno plaćanje za predmetnu namjenu po dostavljenim ugovorima;

g) EU izjava o usaglašenosti, za subjekte koji su osigurali CE znak u 2014. ili 2015. godini;

h) Izjava da nije korištena subvencija/sufinansiranje za predmetnu namjenu od Kantona Sarajevo ili drugog nivoa vlasti u F BiH; i

i) Na zahtjev Ministarstva privrede druga relevantna dokumentacija.



#### **IV ROK ZA PODNOŠENJE ZAHTJEVA NA JAVNI POZIV**

Rok za dostavljanje prijave je 30 (trideset) dana od dana objave Javnog poziva u "Službenim novinama Kantona Sarajevo". Prijave primljene nakon isteka roka neće biti uzete u razmatranje. Javni poziv se objavljuje u "Službenim novinama Kantona Sarajevo", u jednom dnevnom listu i na web stranici Ministarstva. Rezultati Javnog poziva objavljuju se u "Službenim novinama Kantona Sarajevo" i na web stranici Ministarstva: <http://mp.ks.gov.ba/>.

#### **V MJESTO I NAČIN PODNOŠENJA ZAHTJEVA**

Prijave se podnose u zatvorenoj kovrti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za "Poticaj razvoju male privrede" Program broj: \_\_\_\_\_ (navesti broj i naziv programa). Na poleđini kovrte obavezno se navodi naziv podnosioca prijave, adresa i kontakt telefon, te se ovjerava pečatom.

#### **VI OCJENA I IZBOR PROJEKATA**

Kriteriji za izbor korisnika poticajnih grant sredstava utvrđeni su Pravilnikom, Odlukom i javnim pozivom. Izbor korisnika poticajnih grant sredstava vrši se u skladu sa članom 14. Pravilnika. Komisija koju formira ministar Ministarstva privrede razmatra dostavljene programe/projekte i dokumentaciju propisanu Javnim pozivom, vrši ocjenu programa/projekata, te sačinjava prijedlog korisnika i iznose sredstava. Prijedlog Odluke o izboru korisnika poticajnih grant sredstava utvrđuje ministar Ministarstva privrede, a Odluku donosi Vlada Kantona Sarajevo.

#### **VII OSTALE ODREDBE**

Na web stranici Ministarstva privrede Kantona Sarajevo: <http://mp.ks.gov.ba/> bit će objavljeni: Javni poziv za odabir korisnika grant sredstava "Poticaj razvoju male privrede" za 2016. godinu i Prijavni obrazac za svaki od programa, Zakon o poticaju razvoja male privrede ("Službene novine Kantona Sarajevo", broj: 29/15) i Pravilnik o postupcima u provođenju Programa razvoja male privrede ("Službene novine Kantona Sarajevo", broj:17/16). Sa odabranim korisnicima Ministarstvo privrede potpisuje pojedinačne ugovore, nakon čega se sredstva doznacavaju na transakcijske račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti izvještaj sa dokazima o namjenskom utrošku sredstava doznacenih iz budžeta. U postupku po Javnom pozivu Ministarstvo ne snosi nikakve troškove učesnika Javnog poziva, te zadržava pravo da njihove programe/projekte prihvati u cijelosti, djelomično, ili ih odbije, te da poništi Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja za određeni program. Podnosiocu prijave koja udovoljava formalno-pravnim uslovima iz Javnog poziva, a koji bude odbijen zbog nedovoljnih sredstava, ili slabijeg kvaliteta ponuđenog programa/projekta, na njegov pismeni zahtjev, Ministarstvo će obrazložiti razloge zbog kojih isti nije rangiran. Prispjela dokumentacija se ne vraća podnosiocu prijave. Sve dodatne informacije vezane za Javni poziv mogu se dobiti svakim radnim danom putem telefona: 033/ 562 119

**MINISTAR**

**Dr Muharem Šabić**



web: <http://mp.ks.gov.ba>  
 e-mail: [mp@mp.ks.gov.ba](mailto:mp@mp.ks.gov.ba)  
 Tel: + 387 (0) 33 562-121, + 387 (0) 33 562-122  
 Fax: + 387 (0) 33 562-226  
 Sarajevo, Reisa Džemaludina Čauševića 1

